

Structuras dil di Reglament da menaschi e tariffas

Basegns

In basegns ei indicaus, sche las persunas cun la pussonza da geniturs da sil pli pauc otg scolaras e scolars s'obligheschan da far diever d'ina certa unitad d'assistenza per igl entir onn da scola. (art. 6, ordinaziun davart structuras dil di).

Il basegns vegn eruius inaga ad onn, sil pli tard dus meins avon l'entschatta digl onn da scola (art. 6, ordinaziun davart structuras dil di).

Purschida en general

Las structuras dil di vegnan purschidas duront las jamnas da scola, senza firaus e dis da punt, gliendisdis tochen venderdis, dallas 7.30-18.00 uras.

Las structuras dil di consistan dallas suandontas purschidas d'assistenza: avonmiezdi, miezdi cun gentar, suentermiezdi.

Purschida duront il di

Purschida avonmiezdi (7.30-8.15 survigilanza, 8.15-11.45 uras da bloc)

Purschida da miezdi (11.45-13.15)

La scola porscha ina meisa da miezdi cun survigilanza dallas 11.45-13.15.

Purschida suentermiezdi (13.15-18.00)

La scola porscha activitads survigiladas adequatas als affons annunziai (p.ex. pusseivladad da far pensums, activitads sportivas, purschidas creativas etc.). Il program detagliau sedrezza tenor las annunzias e vegn communicaus all'entschatta digl onn da scola.

Tut las purschidas ein tenor lescha da scola obligatorias, sche sil pli pauc otg scolaras e scolars fan diever dad ellas (minimum otg scolarAs per la medema unitad). Davart ina purschida cun pli pauc scolaras e scolars decida il Cussegl da scola.

Presenza ed absenzas dils affons

Per affons annunziai ei l'unitad eligida da principi obligatoria. Per absenzas e congedis valan las medemas reglas sco per il temps da scola. Ils affons han dad esser puntuals sin l'entschatta dall'unitad el liug indicau.

Organisaziun dils transports

La scola porscha ils transports usitai (damaun, miezdi e la sera tenor urari da scola). Fa ina affon diever dallas structuras dil di ordeifer igl urari da scola, ein ils geniturs responsabels per ils viadis allas structuras dil di ed a casa.

Annunzia per las structuras dil di

Ils geniturs inoltreschan l'annunzia alla scola sil termin indicau.

Cun la suttascripziun dil formular d'annunzia per las structuras dil di ei l'annunzia ligionta ed ils geniturs van d'accord cun il reglament correspondent inclusiv la survesta da tariffas. L'annunzia vala mintgamai per in onn da scola.

Exclusiun dad in affon

Sch'in affon manca pliras gadas senza perstgisa ni sche las pretensiuns educativas

survargan las pusseivladads dil personal, dat ei in discuors culs geniturs. Dat ei negina migliur dil cumpurtament, sa la scola excluder la scolara / il scolar temporarmein ni definitivamein dallas structuras dil di. In'exclusiun temporara deliberescha buc ils geniturs dils cuosts per las structuras dil di. Las tariffas ston era vegnir pagadas duront il temps d'exclusiun.

Tariffas/Regulaziuns da pagament

Las tariffas

Las tariffas actualas ein fixadas ella survesta da tariffas alla fin da quest reglament.

Quen e pagament

Ils cuosts per il diever dallas structuras dil di vegnan tschentai a quen posteriuramein. Igl import vegn calculaus cun il diember effectiv dils dis da scola, excepuiu ils firaus e dis da punt.

Tier cass d'absenza (inclusiv esser malsauns) dat ei da principi negina reducziun dil quen.

Il quen vegn tschentaus duas gadas duront igl onn da scola (fin schaner; fin zercladur).

General

Segiradas

Affons ch'ei annunziai ufficialmein per la purschida da structuras dil di ein segirai entras il purtader da scola, conform agl ulteriur temps da scola.

Communicaziun

La persuna d'instrucziun da classa ei la persuna da contact/communicaziun pertuccont las structuras dil di el mintgadi. En cass da damondas organisatorias, finanzialas etc. surpren la meinascola quella funcziun.

Entrada en vigor

Il reglament entra en vigor cun gl'emprem d'uost 2014.

Structuras dil di	Cuosts per unitad	Cuosts per affon duront in onn da scola en francs				
		1 di/j.	2 dis/j.	3 dis/j.	4 dis/j.	5 dis/j.
survigilanza avonmiezdi (1 unitad)	5	190	380	570	760	950
gentar (incl. survigilanza)	11	418	836	1'254	1'672	2'090
survigilanza suentermiezdi (1 unitad)	5	190	380	570	760	950
survigilanza suentermiezdi (2 unitads)	5	380	760	1'140	1'520	1'900
survigilanza suentermiezdi (3 unitads)	5	570	1'140	1'710	2'280	2'850
survigilanza suentermiezdi (4 unitads)	5	760	1'520	2'280	3'040	3'800
survigilanza suentermiezdi (5 unitads)	5	950	1'900	2'850	3'800	4'750